



Deddf Casglu a Rheoli Trethi (Cymru) 2016

2016 dccc 6

RHAN 6

LLOG

PENNOD 1

LLOG AR SYMIAU SY’N DALADWY I ACC

F1 ...

Diwygiadau Testunol

- F1** A. 157 croes-bennawd wedi ei hepgor (25.1.2018) yn rhinwedd Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 57**; O.S. 2018/34, **ergl. 2(b)(ii)**

[^{F2}157 Llog taliadau hwyr ar drethi datganoledig

- (1) Mae’r adran hon yn gymwys i swm o dreth ddatganoledig—
- (a) sydd wedi ei ddatgan mewn ffurflen dreth fel—
 - (i) y dreth sydd i’w chodi, neu
 - (ii) os yw’r ffurflen dreth yn ffurflen dreth bellach a wneir gan y prynwr mewn trafodiad tir, y dreth trafodiadau tir (neu’r dreth trafodiadau tir ychwanegol) sy’n daladwy;
 - (b) sy’n daladwy—
 - (i) o ganlyniad i ddiwygiad i ffurflen dreth o dan adran 41, 45 neu 50;
 - (ii) o ganlyniad i gywriad i ffurflen dreth o dan adran 42;

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6. (See end of Document for details)

- (iii) yn unol ag asesiad a wnaed yn ychwanegol at ffurflen dreth o dan adran 54 neu 55, neu
- (c) sy’n daladwy yn unol ag—
- (i) dyfarniad o dan adran 52, neu
- (ii) asesiad o dan adran 54 neu 55,
- a wnaed yn lle ffurflen dreth yr oedd yn ofynnol ei dychwelyd.
- [^{F3}(1A) Mae’r adran hon hefyd yn gymwys i swm o dreth gwarediadau tirlenwi a godir gan hysbysiad codi treth a ddyroddir o dan adran 49 neu 50 o DTGT.]
- (2) Os na chaiff y swm ei dalu cyn dyddiad dechrau’r llog taliadau hwyr, mae’r swm yn dwyn llog (y cyfeirir ato yn y Rhan hon fel “llog taliadau hwyr”) ar y gyfradd llog taliadau hwyr ar gyfer y cyfnod—
- (a) sy’n dechrau â dyddiad dechrau’r llog taliadau hwyr, a
- (b) sy’n dod i ben â’r dyddiad talu.
- (3) Dyddiad dechrau’r llog taliadau hwyr yw—
- (a) yn achos swm sydd o fewn is-adran (1)(a) neu (b), y dyddiad ar ôl dyddiad ffeilio’r ffurflen dreth;
- (b) yn achos swm sydd o fewn is-adran (1)(c), y dyddiad ar ôl dyddiad ffeilio’r ffurflen dreth yr oedd yn ofynnol ei dychwelyd;
- [^{F4}(c) yn achos swm sydd o fewn is-adran (1A), y dyddiad sy’n union ar ôl diwedd y cyfnod a bennir yn adran 51 o DTGT.]
- (4) Ond pan fo adran 160 yn gymwys, dyddiad dechrau’r llog taliadau hwyr yw’r dyddiad a bennir yn yr adran honno.]

Diwygiadau Testunol

- F2** Aau. 157, 157A, 158 wedi eu hamnewid ar gyfer aau. 157, 158 (25.1.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 58**; O.S. 2018/34, ergl. 2(b)(ii)
- F3** A. 157(1A) wedi ei fewnosod (1.4.2018) gan Deddf Treth Gwarediadau Tirlenwi (Cymru) 2017 (anaw 3), **aa. 53(2)**, 97(2); O.S. 2018/35, ergl. 3
- F4** A. 157(3)(c) wedi ei fewnosod (1.4.2018) gan Deddf Treth Gwarediadau Tirlenwi (Cymru) 2017 (anaw 3), **aa. 53(3)**, 97(2); O.S. 2018/35, ergl. 3

Gwybodaeth Cychwyn

- I1** A. 157 mewn grym ar 1.4.2018 gan O.S. 2018/33, **ergl. 3**
- I2** A. 157 ddim mewn grym ar y Cydsyniad Brenhinol, gweler **a. 194(2)**

[^{F2}157A Llog taliadau hwyr ar gosbau

- (1) Mae’r adran hon yn gymwys i swm o gosb [^{F5}sy’n ymwneud â threth ddatganoledig].
- (2) Os na thelir y swm ar y dyddiad y mae’n ofynnol ei dalu neu cyn hynny, mae’r swm yn dwyn llog (y cyfeirir ato yn y Rhan hon fel “llog taliadau hwyr”) ar y gyfradd llog taliadau hwyr ar gyfer y cyfnod—
- (a) sy’n dechrau â’r diwrnod canlynol, a
- (b) sy’n dod i ben â’r dyddiad talu.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6. (See end of Document for details)

- (3) Ond pan fo adran 160 yn gymwys, dyddiad dechrau’r llog taliadau hwyr yw’r dyddiad a bennir yn yr adran honno.]

Diwygiadau Testunol

F2 Aau. 157, 157A, 158 wedi eu hamnewid ar gyfer aau. 157, 158 (25.1.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 58**; O.S. 2018/34, ergl. 2(b)(ii)

F5 Geiriau yn a. 157A(1) wedi eu hamnewid (1.4.2018) gan Deddf Treth Gwarediadau Tirlenwi (Cymru) 2017 (anaw 3), a. 97(2), **Atod. 4 para. 15**; O.S. 2018/35, ergl. 3

Addasiadau (ddim yn newid testun)

C1 A. 157A wedi ei eithrio (1.4.2018) gan Rheoliadau Casglu a Rheoli Trethi (Trefniadau Talu’n Ôl) (Cymru) 2018 (O.S. 2018/88), rhlau. 1(2), **8(4)**

[^{F6}157B. Llog taliadau hwyr ar symiau sy’n daladwy mewn cysylltiad â chredyd treth

- (1) Mae’r adran hon yn gymwys i swm sy’n daladwy mewn cysylltiad â chredyd treth.
- (2) Os na thelir y swm ar y dyddiad erbyn pryd y mae’n ofynnol ei dalu neu cyn hynny, mae’r swm yn dwyn llog (y cyfeirir ato yn y Rhan hon fel “llog taliadau hwyr”) ar y gyfradd llog taliadau hwyr ar gyfer y cyfnod—
- (a) sy’n dechrau â dyddiad dechrau’r llog taliadau hwyr, a
- (b) sy’n dod i ben â’r dyddiad talu.
- (3) Pan fo’r swm yn daladwy o ganlyniad i asesiad ACC mewn achos sy’n ymwneud â sefyllfa a grybwyllir yn adran 55A(a) neu (b), dyddiad dechrau’r llog taliadau hwyr yw—
- (a) os hawliwyd y credyd treth o dan sylw mewn ffurflen dreth, y diwrnod ar ôl dyddiad ffeilio’r ffurflen dreth;
- (b) os hawliwyd y credyd treth o dan sylw drwy unrhyw ddull arall, y diwrnod ar ôl y diwrnod y talwyd swm sy’n hafal â’r swm i berson mewn cysylltiad â’r hawliad.
- (4) Pan fo’r swm yn daladwy o ganlyniad i asesiad ACC mewn achos sy’n ymwneud â sefyllfa a grybwyllir yn adran 55A(c), dyddiad dechrau’r llog taliadau hwyr yw’r diwrnod ar ôl y diwrnod erbyn pryd yr oedd yn ofynnol talu’r swm.
- (5) Ond pan fo adran 160 yn gymwys, dyddiad dechrau’r llog taliadau hwyr at ddibenion yr adran hon yw’r dyddiad a bennir yn yr adran honno.]

Diwygiadau Testunol

F6 A. 157B wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 37**

[^{F2}158 Llog taliadau hwyr: atodol

- (1) Mae’r adran hon yn gymwys at ddibenion adrannau 157 [^{F7}, 157A a 157B].
- (2) Nid yw llog taliadau hwyr yn daladwy ar log taliadau hwyr.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6. (See end of Document for details)

- (3) Caiff dyddiad dechrau llog taliadau hwyr fod yn ddiwrnod nad yw’n ddiwrnod busnes o fewn ystyr adran 92 o [Ddeddf Biliau Cyfnewid 1882 \(p. 61\)](#).
- (4) Mae’r dyddiad talu, mewn perthynas â swm, yn cynnwys y dyddiad y caiff y swm ei osod yn erbyn swm sy’n daladwy gan ACC.
- (5) Mae i “cyfradd llog taliadau hwyr” yr ystyr a roddir gan adran 163(1).]

Diwygiadau Testunol

- F2** Aau. 157, 157A, 158 wedi eu hamnewid ar gyfer aau. 157, 158 (25.1.2018) gan [Deddf Treth Trafodiadau Tir a Gwrthweithio Osgoi Trethi Datganoledig \(Cymru\) 2017 \(anaw 1\)](#), a. 81(2)(3), **Atod. 23 para. 58**; O.S. 2018/34, **ergl. 2(b)(ii)**
- F7** Geiriau yn a. 158(1) wedi eu hamnewid (1.4.2018) gan [Rheoliadau Treth Gwarediadau Tirlenwi \(Gweinyddu\) \(Cymru\) 2018 \(O.S. 2018/101\)](#), rhl. 1(2), **Atod. para. 38**

Gwybodaeth Cychwyn

- I3** A. 158 mewn grym ar 1.4.2018 gan [O.S. 2018/33](#), **ergl. 3**
- I4** A. 158 ddim mewn grym ar y Cydsyniad Brenhinol, gweler [a. 194\(2\)](#)

F8 ...

Diwygiadau Testunol

- F8** A. 159 ac croes-bennawd wedi ei hepgor (25.1.2018) yn rhinwedd [Deddf Treth Trafodiadau Tir a Gwrthweithio Osgoi Trethi Datganoledig \(Cymru\) 2017 \(anaw 1\)](#), a. 81(2)(3), **Atod. 23 para. 59**; O.S. 2018/34, **ergl. 2(b)(ii)**

F8 159 Dyddiad dechrau’r llog taliadau hwyr: diwygiadau i asesiadau etc.

.....

160 Dyddiad dechrau’r llog taliadau hwyr: marwolaeth trethdalwr

- (1) Mae’r adran hon yn gymwys—
- (a) os yw [^{F9}person—
- (i) y mae swm o dreth ddatganoledig i’w godi arno neu gosb sy’n ymwneud â threth ddatganoledig i’w chodi arno, neu
- (ii) y mae’n ofynnol iddo dalu swm mewn cysylltiad â chredyd treth,]
- yn marw cyn y daw’r swm yn daladwy, a
- (b) os nad yw’r ysgutor neu’r gweinyddwr yn gallu talu’r swm cyn cael profiant neu lythyrau gweinyddu neu ddogfen arall ag iddi effaith gyfatebol o dan gyfraith gwlad neu diriogaeth heblaw Cymru a Lloegr mewn perthynas ag ystad yr ymadawedig.
- (2) Dyddiad dechrau’r llog taliadau hwyr ar gyfer y swm hwnnw yw’r hwyraf o’r canlynol—
- (a) y dyddiad a fyddai wedi bod yn ddyddiad dechrau’r llog taliadau hwyr oni bai am yr adran hon, a

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6. (See end of Document for details)

- (b) y diwrnod ar ôl diwedd y cyfnod o 30 o ddiwrnodau sy’n dechrau â grant profiant neu lythyrau gweinyddu neu ddogfen arall ag iddi effaith gyfatebol o dan gyfraith gwlad neu diriogaeth heblaw Cymru a Lloegr mewn perthynas ag ystad yr ymadawedig.

Diwygiadau Testunol

- F9** Geiriau yn a. 160(1)(a) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 39**

Gwybodaeth Cychwyn

- I5** A. 160 ddim mewn grym ar y Cydsyniad Brenhinol, gweler a. 194(2)
I6 A. 160 mewn grym ar 25.1.2018 gan O.S. 2018/33, **ergl. 2(g)**

PENNOD 2

LLOG AR SYMIAU SY’N DALADWY GAN ACC

Llog ad-daliadau

161 Llog ad-daliadau ar symiau sy’n daladwy gan ACC

- (1) Mae’r adran hon yn gymwys i unrhyw swm perthnasol a dalwyd gan berson i ACC a ad-delir gan ACC i’r person hwnnw neu i berson arall.
- (2) Ystyr “swm perthnasol” yw swm a dalwyd mewn cysylltiad ag unrhyw rwymedigaeth (gan gynnwys unrhyw rwymedigaeth honedig neu rwymedigaeth a ragwelir) i dalu i ACC—
- (a) swm o dreth ddatganoledig, ^{F10} ...
- (b) swm o gosb sy’n ymwneud â threth ddatganoledig [^{F11}, neu
- (c) swm mewn cysylltiad â chredyd treth.]
- (3) Os nad ad-delir swm y mae’r adran hon yn gymwys iddo cyn dyddiad dechrau’r llog ad-daliadau, mae’r swm yn dwyn llog (y cyfeirir ato yn y Rhan hon fel “llog ad-daliadau”) ar y gyfradd llog ad-daliadau ar gyfer y cyfnod—
- (a) sy’n dechrau â dyddiad dechrau’r llog ad-daliadau, a
- (b) sy’n dod i ben â’r dyddiad ad-dalu.
- (4) Dyddiad dechrau’r llog ad-daliadau ar gyfer y swm perthnasol yw’r hwyraf o’r canlynol—
- (a) y diwrnod y talwyd y swm perthnasol i ACC, a
- (b) y diwrnod y daeth y swm a grybwyllir yn is-adran [^{F12}(2)(a), (b) neu (c)], y talwyd y swm perthnasol mewn cysylltiad ag ef, yn daladwy i ACC.
- (5) Mae is-adran (3)(a) yn gymwys hyd yn oed os yw dyddiad dechrau’r llog ad-daliadau yn ddiwrnod nad yw’n ddiwrnod busnes o fewn yr ystyr a roddir i “non-business day” yn adran 92 o **Ddeddf Biliau Cyfnewid 1882 (p. 61)**.
- (6) Yn yr adran hon, mae i “cyfradd llog ad-daliadau” yr ystyr a roddir gan adran 163(2).

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6. (See end of Document for details)

Diwygiadau Testunol

- F10** Gair yn [a. 161\(2\)](#) wedi ei hepgor (1.4.2018) yn rhinwedd Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 40(2)(a)**
- F11** [A. 161\(2\)\(c\)](#) ac gair wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 40(2)(b)**
- F12** Geiriau yn [a. 161\(4\)\(b\)](#) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 40(3)**

Gwybodaeth Cychwyn

- I7** [A. 161](#) ddim mewn grym ar y Cydsyniad Brenhinol, gweler [a. 194\(2\)](#)
- I8** [A. 161](#) mewn grym ar 25.1.2018 gan [O.S. 2018/33](#), **ergl. 2(g)**

162 Llog ad-daliadau: atodol

- (1) Nid yw llog ad-daliadau yn daladwy ar swm sy'n daladwy o ganlyniad i orchymyn neu ddyfarniad llys sydd â phŵer i ganiatáu llog ar y swm.
- (2) Nid yw llog ad-daliadau yn daladwy ar log ad-daliadau.
- (3) Mae'r dyddiad ad-dalu, mewn perthynas â swm y mae adran 161 yn gymwys iddo, yn cynnwys y dyddiad y caiff ei osod yn erbyn swm sy'n ddyledus i ACC.

Gwybodaeth Cychwyn

- I9** [A. 162](#) ddim mewn grym ar y Cydsyniad Brenhinol, gweler [a. 194\(2\)](#)
- I10** [A. 162](#) mewn grym ar 25.1.2018 gan [O.S. 2018/33](#), **ergl. 2(g)**

PENNOD 3

CYFRADDAU LLOG

163 Cyfraddau llog taliadau hwyr a llog ad-daliadau

- (1) Y gyfradd llog taliadau hwyr yw'r gyfradd y darperir ar ei chyfer mewn rheoliadau a wneir gan Weinidogion Cymru.
- (2) Y gyfradd llog ad-daliadau yw'r gyfradd y darperir ar ei chyfer mewn rheoliadau a wneir gan Weinidogion Cymru.
- (3) Caiff rheoliadau o dan is-adran (1) neu (2)—
 - (a) gwneud darpariaeth wahanol at ddibenion gwahanol;
 - (b) naill ai bennu cyfradd llog eu hunain neu wneud darpariaeth ar gyfer pennu cyfradd (a'i newid o bryd i'w gilydd) drwy gyfeirio at gyfradd neu gyfartaledd cyfraddau y cyfeirir ati neu ato mewn rheoliadau;
 - (c) darparu ar gyfer gostwng cyfraddau islaw, neu eu codi uwchlaw, yr hyn y byddent fel arall drwy gyfeirio at symiau penodedig neu at fformiwlâu penodedig;
 - (d) darparu ar gyfer talgrynnu i fyny neu i lawr gyfraddau a geir drwy gyfeirio at gyfartaleddau;

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6. (See end of Document for details)

- (e) darparu ar gyfer amgylchiadau pa fo cyfradd llog i'w haddasu neu pan na fo i'w haddasu;
- (f) darparu bod addasiadau i gyfraddau i gael effaith am gyfnodau sy'n dechrau ar neu ar ôl diwrnod a bennir yn unol â'r rheoliadau mewn perthynas â llog sy'n dechrau cronni cyn y dyddiad hwnnw yn ogystal ag o'r diwrnod hwnnw neu ar ôl y diwrnod hwnnw.

Gwybodaeth Cychwyn

I11 A. 163 ddim mewn grym ar y Cydsyniad Brenhinol, gweler **a. 194(2)**

I12 A. 163 mewn grym ar 18.10.2017 gan O.S. 2017/954, **ergl. 2**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 6.